

Oleh Mary Victoria Dass  
am@hmetro.com.my

Johor Bahru

Tanpa perlu ke luar negara, pelajar kini boleh melanjutkan pengajian di universiti terulung dari United Kingdom (UK) serta bertaraf antarabangsa di bandar pendidikan multikampus pertama di Asia iaitu EduCity Iskandar yang terletak di Iskandar Puteri di Johor di sini.

Pengarah Urusannya Wan Ahmad Saifuddin Wan Ahmad Radzi berkata, EduCity yang ditubuhkan sejak 2008 mengatasi kebimbangan ibu bapa untuk memastikan anak mereka mendapatkan pendidikan berkualiti dan persekitaran selamat ketika pandemik Covid-19.

Beliau berkata, EduCity memiliki tujuh institusi pengajian tinggi termasuk dua sekolah antarabangsa yang menawarkan pembelajaran dalam persekitaran kondusif.

Katanya, ia diikuti dengan pengumuman tiga institusi baharu pada tahun 2020 iaitu Reliance Aviation Academy, LEA (yang dahulu dikenali sebagai London English Academy) dan Idrissi International School di EduCity Iskandar (mula beroperasi hujung tahun 2021).

Pada tahun ini, EduCity dalam proses menubuhkan EduCity International College, jenama institusi pengajian tinggi sendiri dan sebuah pusat latihan, EduCity Academy.

Pusat latihan ini dijangka

# PENDIDIKAN BERKUALITI

**EduCity Iskandar jadi multikampus bertaraf antarabangsa pertama di Asia**

menjadi pusat sehenti *talent lifecycle solution* dan pembangun ekosistem yang menawarkan kursus khas untuk pelajar dan komuniti pekerja.

Beliau berkata, Newcastle University Medicine Malaysia (NUMed) menjadi universiti pertama membuka pintu kepada pelajar pada 2011 di EduCity dengan membawa fakulti perubatan seterusnya diikuti institusi lain seperti University of Southampton Malaysia (UoSM) yang fokus kepada bidang kejuruteraan manakala University of Reading Malaysia (UoRM) pula dalam bidang perniagaan.

“Setiap hab pendidikan memiliki fokus geografi dan tumpuan EduCity adalah Asia Tenggara.

“Manakala operasi sekolah pula, Marlborough College (silibus UK) dan Raffles American School (silibus Amerika), menerima sambutan baik,” katanya.

Wan Ahmad Saifuddin berkata, keunikan hab pendidikan EduCity adalah menawarkan komponen fasiliti guna sama yang lengkap, terdiri dari kompleks sukan bertaraf antarabangsa dengan kolam renang bersaiz Olimpik, penginapan pelajar mempunyai 640 katil dan ruang niaga serta sosial bagi semua pelajar institusi.

“Fasiliti terbaharu dibangunkan adalah EduCity

Hub, sebuah ruang sosial untuk pelajar dan komuniti yang menawarkan ruang riadah untuk sesi pembelajaran dan bersantai, ruang niaga, kafe, bilik seminar dan perbincangan serta satu aras yang dikhaskan untuk sebuah ruang *coworking space*. “Ia dibina bagi memberi peluang kepada pelajar dan komuniti menjalankan perniagaan secara *startup*, di dalam suasana kondusif.

“Kini terdapat tiga syarikat milik pelajar yang dimentorkan supaya mereka boleh mendapat tunjuk ajar dan akses kepada program

keusahawanan dan agensi yang menawarkan bantuan dana,” katanya.

Wan Ahmad Saifuddin berkata, pendekatan holistik EduCity bukan saja menumpu kepada subjek, malah lebih daripadanya bersesuaian dengan konsep *Learn.Live.Lead*.

Beliau berkata, ia bertujuan mewujudkan persekitaran yang mampu membentuk kualiti kepemimpinan dalam kalangan mereka.

“Kini terdapat lebih 4,000 pelajar mengikuti pelbagai peringkat pengajian di EduCity dan 80 peratus daripadanya adalah pelajar warga tempatan.

“EduCity berhasrat menarik lebih banyak institusi pendidikan baharu dari tempatan atau antarabangsa, menerusi model perniagaan fleksibel.

“Rancangan pengembangan EduCity Iskandar yang digelar EduCity 2.0 memperluas nilainya untuk mewujudkan persekitaran pembelajaran baru serta meletakkannya sebagai satu destinasi pendidikan pilihan utama.

“EduCity juga bakal menjadi pusat transit membolehkan pelajar mendaftar dengan institusi antarabangsa, ideanya supaya institusi antarabangsa mendatar pelajar di dalam negara dan apabila sempadan di-

buka, mereka boleh meneruskan pengajian di institusi antarabangsa.

“Di samping itu, pengajian generik asas UK juga bakal ditawarkan dengan kerjasama universiti antarabangsa bagi membolehkan pelajar membuat keputusan terbaik dalam pemilihan bidang pendidikan bersesuaian sebelum mengikuti program ijazah,” katanya.

Antara institusi di EduCity termasuk institusi pengajian tinggi Newcastle University Medicine Malaysia, Netherlands Maritime University College, University of Southampton Malaysia, Multimedia University, University of Reading Malaysia, Kolej Management Development Institute of Singapore (MDIS) Malaysia, Raffles University, EduCity International College (dijangka operasi bermula hujung tahun 2021, tertakluk kepada kelulusan oleh pihak Kementerian Pengajian Tinggi (KPT)).

EduCity juga menempatkan sekolah antarabangsa, Marlborough College Malaysia, Raffles American School, Idrissi International School di EduCity Iskandar (mula beroperasi hujung tahun 2021) serta pusat latihan EduCity Academy, Reliance Aviation Academy dan LEA (yang dahulu dikenali sebagai London English Academy).



BANDAR pendidikan multikampus pertama di Asia, EduCity Iskandar.

## Awek ganas: Polis cari dua remaja

**Tanah Merah:** Polis sedang mengesan dua remaja perempuan yang memukul seorang mangsa yang dikatakan berlaku di daerah ini.

Insiden itu tular di media sosial sejak kelmarin,

dengan video menunjukkan mangsa iaitu remaja perempuan dipercayai berrusia belasan tahun ditolak

dan disepak kedua-kedua

remaja itu.

Ketua Polis Daerah Tanah Merah, Deputi Supt

menerima sebarang laporan

lagi

**Pihak polis daerah Tanah Merah belum menerima laporan lagi**

ran dan mangsa juga belum dapat dikenal pasti. Kita sedang usaha mengesan kesemua mereka yang terbabit,” katanya, semalam.

Zainuddin berkata, pihaknya akan membuka kertas siasatan jika benar kejadian berlaku di daerah ini dan semua pihak terbabit akan dipanggil.

Dalam video yang berdurasi 30 saat itu, seorang remaja perempuan dilihat menolak mangsa beberapa kali sebelum menyepaknya. Mangsa yang tidak melawan kemudian dipukul seorang lagi remaja lain dan kedengaran suara seorang menyebut video itu tidak akan disebarkan, tetapi hanya berniat sebagai uguhan sahaja.

“Kami dimaklumkan ia mungkin berlaku di daerah ini, namun sehingga kini belum menerima sebarang laporan lagi



VIDEO menunjukkan seorang remaja perempuan dipercayai berrusia belasan tahun ditolak dan disepak.

## FOSIL DIROSAK

### Pakar tentukan jumlah ganti rugi

**Ipoh:** Majlis Bandaraya Ipoh (MBI) sedang menunggu laporan penuh daripada pakar kaji fosil bagi menentukan nilai dan kos tuntutan ganti rugi terhadap sebuah syarikat produksi drama akibat kerusakan fosil berusia jutaan tahun dan dinding Gua Matsoorat di sini, semalam.

Datuk Bandar Ipoh, Datuk Rumaizi Baharin berkata, pihaknya sudah melantik pakar berkenaan dan laporan penuh kajian dijangka selesai dalam sebulan.

“Kita sekarang ini kena menunggu laporan penuh dahulu kerana penilaian tentang fosil ini memerlukan kajian khusus dan terperinci daripada pakar paleontologi.

“Pakar sudah masuk ke lokasi berkenaan tiga hari

lalu. Jadi kita sedang menunggu laporan penuh untuk mengetahui kaedah pemburuan, pemuliharaan dan berapa kos yang terbabit,” katanya ketika ditemui selepas hadir Program Perak Bumi Lestari di Taman Rekreasi DR Seenivasagam di sini, semalam.

Rumaizi turut mengulas apabila ditanya pemberita berhubung reaksi terhadap syarikat produksi yang bertanggungjawab terhadap kerusakan khazanah itu.

“Buat masa ini tiada respons, cuma masing-masing sekarang sedang menunggu laporan penuh. Sebelum ini kita sudah mengenakan tindakan yang tegas dengan mengarahkan pihak produksi keluar daripada kawasan (Gunung) Matsoorat,” katanya.